

CONVENIO DE COLABORACIÓN ENTRE O EXCMO. CONCELLO DE LUGO E O "CLUB MARCHA NORDICA NORDIC WALKING LUGO" CO OBXECTO DE COLABORAR NOS GASTOS DERIVADOS DO "TERRAS DO MIÑO" ANO 2024.

REUNIDOS

Dunha banda **D. Jorge Bustos Atanasio**, actuando en nome e representación do Concello de Lugo, con enderezo en Lugo, Praza Maior, nº 1 e CIF P2702800J, en virtude da súa condición de Concelleiro Delegado de Xuventude e Deportes (Área de Dinamización Económica e Relacións Institucionais).

E doutra banda **D. Juan Carlos Castro de Arriba**, con NIF 33306644E, actuando en nome e representación do **CLUB MARCHA NORDICA NORDIC WALKING LUGO**, con CIF G10656957, na súa calidade de Presidente, con enderezo a efectos deste Convenio en Lugo, Rúa Pintor Corredoira, núm. 3.

Ambas as dúas partes interveñen en función dos seus respectivos cargos e no exercicio das súas facultades que teñen conferidas para acordar en nome e representación das institucións que representan

EXPOÑEN

PRIMEIRO.-

Que o Concello de Lugo ten entre as súas competencias impulsar o deporte e os valores que este transmite, así como a promoción do municipio de Lugo e a súa dinamización na cidade.

Conforme ao artigo 50.1 da Lei 40/2015, do réxime xurídico do sector público (LRXSP), as Administracións Públicas, os seus organismos autónomos e entidades de dereito público vinculados ou dependentes e as universidades públicas, no ámbito das súas competencias, poderán subscribir convenios con suxeitos de dereito público e privado.

Conforme o artigo 1 dos Estatutos do "**CLUB MARCHA NORDICA NORDIC WALKING LUGO**", esta Entidade "é unha Asociación privada con personalidade xurídica e capacidade de obrar, integrada por persoas físicas ou xurídicas, con personalidade xurídica propia e capacidade de obrar, con enderezo na Comunidade Autónoma de Galicia, que ten como obxecto primordial o fomento e o impulso da práctica continuada dunha ou varias modalidades deportivas, así como a participación de actividades e competicións deportivas calquera que sexa o seu nivel e destino".

SEGUNDO.-

Que o Concello de Lugo, en exercicio das súas competencias ten vontade de promover este convenio en virtude do establecido na Lei 7/1985, de 2 de abril, de bases do réxime local, artigo 25.1: "O Municipio, para a xestión dos seus intereses e no ámbito das súas competencias, pode promover actividades e prestar os servizos

Firmado por: *FIR** - SELLO DE TIEMPO TS@ (FECHA:), ***243*** - ANA MARIA RIVAS GARCIA (FECHA: 2024-07-02 11:13:43.00), *FIR** - SELLO DE TIEMPO TS@ (FECHA:), ***066*** - JUAN CARLOS CASTRO DE ARRIBA (FECHA: 2024-04-08 11:27:49.00), ***378*** - JORGE BUSTOS ATANASIO (FECHA: 2024-07-02 10:14:19.00)

CVD: vwIEqY/1D9+Qc6/WXWJt
Verificable en la Sede Electrónica del Organismo.
Nº de convenio: 2024/30

FIRMADO POR ***066*** - JUAN CARLOS CASTRO DE ARRIBA (FECHA: 08/04/2024) , ***243*** - Ana María Rivas García (FECHA: 02/07/2024) , ***378*** - Jorge Bustos Atanasio (FECHA: 02/07/2024)
Numeración: 2024/30
Versión imprimible

SECCIÓN DE DEPORTES

JBA/ilc

Refº: convenio

Asunto: Convenio colaboración "Terras de Miño" 2024

públicos que contribúan a satisfacer as necesidades e aspiracións da comunidade veciñal nos termos previstos neste artigo".

Así mesmo, o apartado 2 de este mesmo artigo establece que "O Municipio exercerá en todo caso como competencias propias, nos termos da lexislación do Estado e das Comunidades Autónomas, nas seguintes materias: (...) I) Promoción do deporte e instalacións deportivas e de ocupación do tempo libre (...)".

TERCEIRO.-

Que ambas as partes coinciden na necesidade de axuntar esforzos para a consecución dos seus respectivos obxectivos e intereses comúns e que, por conseguinte, cren conveniente, por medio deste documento, establecer a coordinación e colaboración respecto ao evento **"TERRAS DO MIÑO" ANO 2024**.

Por todo o exposto ambas as dúas partes acordan asinar o presente convenio de colaboración en base as seguintes

CLÁUSULAS

PRIMEIRA- OBXECTO

O obxecto de este convenio é a colaboración entre o Excmo. Concello de Lugo e o Club **"MARCHA NÓRDICA NORDIC WALKING LUGO"** para a celebración do evento **"TERRAS DO MIÑO" ANO 2024**.

O obxecto de dita colaboración motívase no interese do Concello de Lugo en realizar unha actividade deportiva innovadora, sen requirir as esixencias dos deportes tradicionais como o fútbol, tenis, etc (horarios, entrenamentos previos ...), e que sexa accesible a calquera persoa independentemente da súa idade ou condición física.

A andaina nórdica, unha das modalidades deportivas máis recentes da Federación Española de Deportes de Montaña y Escalada, cumpre os requisitos anteriores, ademáis de ser un deporte sinxelo e económico, que non require de horarios nin de experiencia previa, e ten importantes beneficios para a saúde (mellora a resistencia, forza, flexibilidade e equilibrio, reduce o risco de enfermidades cardiovasculares, combate as malas posturas corporais, axuda á redución de peso, fortalece osos e articulacións, etc).

No ano 2023, o Club **"MARCHA NORDICA NORDIC WALKING LUGO"**, realizou a I COPA GALICIA DE MARCHA NÓRDICA e o I OPEN CIDADE DE LUGO DE MARCHA NÓRDICA, xunto con dúas andainas, unha recreativa e outra turística. Debido ao éxito de participación, achegándose clubs de todas as provincias galegas, varios clubs nacionais (Asturias, León, Guadalajara, Madrid, Extremadura, Cáceres) e un club de O Porto (Portugal), o Concello de Lugo interesouse en que no ano 2024 se celebre novamente dita actividade, cuxo titular é a Entidade **"MARCHA NORDICA NORDIC WALKING LUGO"**, polo que ambas partes establecen a colaboración respecto ao evento **"TERRAS DO MIÑO" ANO 2024**, para a consecución dos seus respectivos obxectivos e intereses comúns.

Ademáis de adecuarse ao noso obxectivo ponse en valor a nosa riqueza patrimonial, cunha andaina sendeirista por "As Terras do Miño" (declarada Reserva da Biosfera no ano 2022, a segunda máis grande da Península Ibérica e a máis grande de Galicia, ademáis de ser a única en España que inclúe unha capital de provincia e sendo a provincia galega que alberga catro dos sete espazos que contan con esta distinción da UNESCO en Galicia), e unha andaina recreativa polos nosos Patrimonios da Humanidade (Muralla Romana, Catedral e Camiño de Santiago), rematando na zona tradicional de restauración da nosa cidade.

A actividade consta das seguintes probas, todas elas a celebrar o día 28 de abril de 2024, incluíndo probas competitivas (esixencia de estar federado), e probas non competitivas (abertas a calquera persoa que desexe participar):

- "II COPA XUNTA DE GALICIA MARCHA NÓRDICA": Ten a consideración de Campionato (unicamente federados), será arbitrada e cronometrada. Aplicarase o regulamento oficial de Marcha Nórdica da Federación Galega de Montañismo. A competición terá lugar pola Muralla Romana de Lugo, con cinco voltas, sendo a distancia total de 11.940 metros.
- "II OPEN CONCELLO DE LUGO MARCHA NÓRDICA": Será unha proba arbitrada e cronometrada, se ben non será imprescindible estar federado, participando todas as persoas que o desexen (previa inscrición). Ao igual ca anterior, aplicarase o regulamento oficial de Marcha Nórdica da Federación Galega de Montañismo. A competición terá lugar pola Muralla Romana de Lugo, con tres voltas, sendo a distancia total de 7.540 metros.
- "I OPEN LUGO MARCHA NÓRDICA": Non terá carácter competitivo e non será arbitrado e poderán participar todas as persoas que o desexen (previa inscrición) sen necesidade de estar federado. A proba sí será cronometrada e non se aplicará o regulamento oficial. Comprenderá tres voltas a Muralla Romana de Lugo, con tres voltas, sendo a distancia total de 7.540 metros.

O día anterior (27 de abril de 2024) realizaranse as dúas andainas mencionadas, unha pola Reserva da Biosfera, iniciándose no aparcadoiro do Monte Segade, percorrendo o río Mera e visitando os Muiños, chegando ata a ribeira do río Miño, e incluíndo entreno de exercicios ao aire libre, e unha andaina que se iniciará diante da placa que marca o rumbo a Santiago seguindo o Camino Norte, visitando a catedral e subindo á Muralla, co fin de coñecer o circuito a percorrer ao día seguinte.

O Concello de Lugo intégrase como colaborador do devandito evento para unha mellora na eficiencia da xestión pública e a oferta deportiva municipal, polo impulso do deporte e os valores que este transmite, perseguindo un fin común de interese xeral e baixo o interese público que ostenta unha actividade de estas características, así como a promoción do municipio de Lugo nun entorno privilexiado pertencente a Reserva da Biosfera Terras de Miño, e a promoción do noso Patrimonio, e sin que isto supoña un trato de privilexio coa entidade organizadora, contribuíndo á

SECCIÓN DE DEPORTES

JBA/ilc

Refº: convenio

Asunto: Convenio colaboración "Terras de Miño" 2024

realización de actividades de utilidade pública, sendo o Club "MARCHA NORDICA NORDIC WALKING LUGO" titular da actividade obxecto deste convenio. A estos efectos, con data 03/04/2024 remítese correo electrónico da Federación Galega de Montañismo confirmando que "o club Nordic Walking Lugo lle foi encomendada a organización do II Campionato de Galicia de clubs de Marcha Nórdica que se fará conxuntamente coa proba da II Copa Xunta de Galicia de Marcha Nórdica o día 28 de abril deste ano; Dende a Federación Galega de Montañismo entendemos que o seu clube é o único da Provincia de Lugo que reúne as características necesarias para levar a cabo a organización de estes dous eventos (...)"

SEGUNDA.- ACTUACIÓNS A REALIZAR POR CADA UNHA DAS PARTES ASINANTES DO CONVENIO.

O CLUB MARCHA NORDICA NORDIC WALKING LUGO comprométese, como **organizador** do evento "TERRAS DO MIÑO", a atender, en xeral, todas as necesidades para o desenrolo do evento nos días anteriores, durante o mesmo e relacionadas coa finalización do mesmo.

En concreto, farase cargo dos seguintes servizos e/ou suministros:

- 1.- Tramitación dos permisos necesarios ás diferentes administracións públicas e/ou entidades implicadas, públicas e/ou privadas).
- 2.- Estudo das condicións de seguridade para a realización da proba.
- 3.- Montaxe de elementos de sinalización e balizamento necesarios.
- 4.- Montaxe e instalación de elementos necesarios para a proba (megafonía, carpas, mesas de cronometraxe, zona arbitral e demais material necesario).
- 6.- Montaxe da zona de entrega de premios.
- 7.- Xestión administrativa (inscricións, comprobación de licencias, publicación dos resultados, atención de reclamacións e calquera outra necesaria para o evento)
- 8.- Informar aos participantes do desenrolo da proba (horarios, lugar de saída e meta, posibles incidencias no percorrido, distribución das zonas de aparcamento e espazos para os clubs e calquera outra información de interese para os participantes)
- 9.- Seguridade dos participantes.
- 10.- Organización de árbitros, xuíces e persoal necesarios para a proba.
- 11.- Cronometraxe da proba.
- 12.- Entrega de premios.
- 13.- Publicidade e difusión da proba e dos seus resultados.
- 14.- Desmontaxe da proba (elementos de sinalización e balizamento, zona arbitral, zona de entrega de premios e demais instalacións e material utilizado).

15.- Calquera outra obrigación ou esixencia que derive da proba non incluída expresamente dentro dos compromisos do Concello de Lugo especificados nesta cláusula.

O CLUB MARCHA NORDICA NORDIC WALKING LUGO comprométese así mesmo en que a colaboración do Concello de Lugo constará de forma expresa, pública e permanente na organización do evento, sendo un dos **colaboradores preferentes** e co logotipo do Concello de Lugo na publicidade do evento, estática, dixital e calquera outra.

O Concello de Lugo, como colaborador do evento "**TERRAS DO MIÑO**", comprométese a:

- Colaborar cos servizos municipais necesarios para o bo desenrolo do evento como poden ser Policía Local ou Protección Civil, e outros servizos estritamente necesarios, todo isto unha vez solicitados os correspondentes permisos pola entidade organizadora e sempre tendo en conta os recursos dispoñibles dos servizos.
- O Concello de Lugo farase cargo das seguintes prestacións:
 - o Cronometraxe e prestacións inherentes ao mesmo (arco, operador do sistema, transporte e megafonía). Esta prestación realizarase mediante licitación pública.
 - o Trofeos, suministrados a través da Entidade coa que a Concellería de Xuventude e Deportes ten contratada esta prestación.

Faise constar expresamente que, entre as obrigas económicas obxecto de convenio a asumir polo Concello de Lugo, non figuran:

- o Gastos de degustación gastronómica de calquera tipo (en todo caso, será esta consideración a organización de comidas, catering ou ceas).
- o Axudas de custo (aloxamento e manutención ...).
- o Gastos de quilometraxe e outros vinculados ao desprazamento

TERCEIRO.- OBRIGAS E COMPROMISOS ECONÓMICOS

Non existe contraprestación económica entre as partes asinantes do convenio.

As partes asinantes comprométese a financiar os gastos asumidos durante a vixencia do convenio.

Conforme á documentación obrante no expediente as achegas financeiras que se comprometen a realizar os asinantes non son superiores aos gastos derivados da execución do convenio.

CUARTA.- ORZAMENTO E FINANCIAMENTO

O orzamento estimativo do evento "**TERRAS DO MIÑO**" **ANO 2024** é de **9.551,00 €**, **IVE INCLUIDO**, desglosado nas seguintes partidas:

Cronometraxe (incluído arco, operador, transporte e megafonía)	2.582,00 €	Achega do Concello de Lugo
Trofeos (3 trofeos por categoría e 70 medallas)	847,00 €	Achega do Concello de Lugo
Camisetas para participantes e para staff e voluntarios controladores de acceso á Muralla (180 aproximadamente)	2.100,00 €	Achega da Xunta de Galicia
Persoal externo (4 persoas para montaxe e desmontaxe da proba, carteis, avituallamento participantes, etc)	957,00 €	Achega da Xunta de Galicia
Árbitros (entre 6 e 14 en función do número de participantes), incluído desprazamento	620,00 €	Achega da Xunta de Galicia
Aloxamento e manutención árbitros	494,00 €	Achega do Club Marcha Nórdica Nordic Walking Lugo
Papelería (cartelería, rotulación circuito, impresión circuito, conos de cartón, identificacións, etc)	535,00 €	Achega polo Club Marcha Nórdica Nordic Walking Lugo (a través das inscricións, Patrocinios e fondos propios)
Cinta para limitar circuito e zona de prohibición de paso dende a meta (Praza Maior) ata a Muralla	263,00 €	Achega polo Club Marcha Nórdica Nordic Walking Lugo (a través das inscricións, Patrocinios e fondos propios)
Avituallamento participantes (bebidas e fruta)	371,00 €	Achega polo Club Marcha Nórdica Nordic Walking Lugo

		(a través das inscricións, Patrocinios e fondos propios)
Guía turístico xornada 27/04/2024	182,00 €	Achega polo Club Marcha Nórdica Nordic Walking Lugo (a través das inscricións, Patrocinios e fondos propios)
Seguro participantes	200,00 €	Achega polo Club Marcha Nórdica Nordic Walking Lugo (a través das inscricións, Patrocinios e fondos propios)
Donación ONG "Somos"	400,00 €	Achega polo Club Marcha Nórdica Nordic Walking Lugo (a través das inscricións, Patrocinios e fondos propios)
TOTAL PREVISIÓN GASTOS	9.551,00 €	
Ingreso Xunta Galicia (gastos camisetas, persoal externo, árbitros e o seu desprazamento)	3.667,00 €	Xunta de Galicia
Ingreso Concello de Lugo (cronometraxe e trofeos)	3.429,00 €	Concello de Lugo
Ingreso cuotas inscricións	1.400,00 €	Achega polo Club Marcha Nórdica Nordic Walking Lugo

PATROCINADORES	500,00 €	Achega polo Club Marcha Nórdica Nordic Walking Lugo
APORTACIÓN CLUB	555,00 €	Achega polo Club Marcha Nórdica Nordic Walking Lugo
TOTAL INGRESOS	9.551,00 €	

QUINTA.- XUSTIFICACIÓN E PAGAMENTO

Non hai contraprestación económica entre as partes asinantes do convenio.

SEXTA.- DURACIÓN

Dado que o alcance do presente convenio é en exclusiva a realización do evento **“TERRAS DO MIÑO” ano 2024**, o convenio extinguirase tras a clausura do acto, sen prexuízo dos prazos posteriores nos que se deba facer balance do evento, ou aquelas outras cuestións que pola súa natureza requiran un prazo superior.

SÉTIMA.- MODIFICACIÓN

A modificación deste convenio poderá realizarse por mutuo acordo das partes, acreditando a concorrencia de interese común, e co límite substantivo de non alterar as condicións esenciais do documento inicial, e sempre e cando dito convenio este vixente, respectando o límite temporal máximo de 4 anos previsto no artigo 49 da LRXSP.

A modificación do convenio levarase a cabo mediante addenda ao mesmo.

OITAVA.- EXTINCIÓN E EFECTOS

O convenio extinguirase polo cumprimento das actuacións que constitúen o obxecto ou por incorrer en causas de resolución.

Son causas de resolución as sinaladas expresamente no artigo 51.2 da LRXSP e pola entrada en vigor de disposicións legais ou regulamentarias que determinen a súa extinción.

O cumprimento e a resolución do convenio dará lugar á liquidación dos mesmos, co obxecto de determinar as obrigas e compromisos de cada unha das partes, tendo en conta o disposto no artigo 52.2 da LRXSP.

NOVENA.- COMISIÓN DE SEGUIMIENTO

Tendo en conta o establecido no artigo 49.f da LRXSP, para o bo desenvolvemento das actividades obxecto deste convenio, seguimento, vixilancia e control

establecerase unha Comisión Mixta, de composición paritaria, integrada por dous representantes de cada unha das entidades que resolverá os problemas de interpretación e cumprimento que poidan xurdir respecto do presenta convenio. Ostentará a Presidencia da comisión de seguimento o responsable/persoal adscrito á Área de Deportes.

Os membros da Comisión poderán delegar a súa representación e voto noutra persoa da súa mesma organización.

O seu funcionamento acomodarse ao disposto na LRXSP. Serán funcións desta Comisión de Seguimento as seguintes:

- Velar polo cumprimento deste convenio.
- Planificar, fomentar, supervisar e avaliar as accións e programas que se vaian emprender ao abeiro do presenta convenio.
- Adoptar ou propoñer as medidas necesarias para garantir o exercicio coordinado das competencias de cada unha das partes.
- Resolver os problemas de interpretación que poidan xurdir.
- En xeral, as que o artigo 49.f da LRXSP lle atribúe aos mecanismos de seguimento, vixilancia e control.

As partes comprométese a resolver de xeito amigoso calquera desacordo que poida xurdir no desenvolvemento do presente convenio a través da Comisión de Seguimento constituída.

DÉCIMA.- SISTEMAS DE COMUNICACIÓN, INFORMACIÓN E PUBLICIDADE

Nos soportes, calquera que sexa o formato empregado (tradicional ou dixital) que aludan ou informen do investimento, actividade ou actuación, incorporaranse os "logotipos" institucionais do Concello de Lugo.

As entidades autorízanse reciprocamente, coa sinatura do presente convenio, para o tratamento necesario dos datos relevantes da axuda concedida e a comunicar e difundir polos medios ou canles que consideren axeitados, a actividade que é obxecto de este convenio.

DÉCIMO PRIMEIRA.- CARÁCTER DO CONVENIO DE COLABORACIÓN

Este convenio ten natureza administrativa e rexerase pola Lei 7/85, de 2 de abril, reguladora das bases de réxime local, así como pola LRXSP e restantes disposicións de concordante e xeral aplicación, sendo competente para entender nos litixios que puidesen xurdir a xurisdicción contencioso-administrativa.

O presente convenio non lle é de aplicación a Lei de contratos do sector público á vista do disposto no artigo 6 da Lei 9/2017, de 8 de novembro, de contratos do sector público, pola que se traspón ao ordenamento xurídico español as directivas do Parlamento Europeo e do Consello 2014/23/UE e 2014/24/UE, de 26 de febreiro de 2014.

DÉCIMO SEGUNDA- PUBLICIDADE

Realizar a oportuna publicación no rexistro de convenios, de conformidade co artigo 8.1.b) da Lei 19/2013, de 9 de decembro, de transparencia, acceso á información pública e bo goberno.

Asinado electrónicamente polo Concelleiro Delegado de Xuventude e Deportes (Área de Dinamización Económica e Relacións Institucionais), don Jorge Bustos Atanasio, e polo Presidente do Club Marcha Nórdica Nordic Walking Lugo, don Juan Carlos Castro de Arriba, na data que figura na marxe esquerda deste documento.

CASTRO DE ARRIBA JUAN CARLOS - 33306644E

Firmado digitalmente por CASTRO DE ARRIBA JUAN CARLOS - 33306644E
Fecha: 2024.04.08 11:27:49 +02'00'